

畿

輔

安

瀾

志

御製題武英殿聚珍版十韻

有序

積古齋

校輯永樂大典內之散簡零編並蒐訪天下遺籍不
下萬餘種彙爲四庫全書擇人所罕覲有裨世道人
心及足資考鏡者剞劂流傳嘉惠來學第種類多則
付雕非易董武英殿事金簡以活字法爲請旣不濫
費棗梨又不久淹歲月用力省而程功速至寶

考昔沈括筆談記宋慶曆中有畢昇爲活版

燒成而陸深金匱

云毘陵人初用

印尤巧便斯皆活版
楊興顧挺泥體

俱不及鋟木之工
茲刻單字計二十五萬

百十種之書悉可取給而校讐之精今更

所云者第活字版之名不雅馴因以聚珍名之而并

以詩

稽古搜四庫於今突五車開鐫思壽世積版或充閭張

帖唐院集周文梁代餘同爲製活字用以印全書精越

鵝冠體

昨歲江南所進之書有鵝冠子卽活字版第字體不工且多訛謬耳

富過鄴架儲

機圖省雕氏功倍謝鈔胥聯腋事堪例埏泥法似疎毀

銅昔悔彼

康熙年間編纂古今圖書集成刻銅字爲活版排印藏工貯之武英殿歷年既久銅字或

被竊缺少司事者懼干咎適值乾隆初年京師錢貴遂請毀銅字供鑄從之所得有限而所耗甚多已爲非計且使銅字尙存則今之印書刊木此慙予旣復羨梨棗不更事半功倍乎深爲惜之

還教慎魯魚成編示來學嘉惠志符初

乾隆甲午仲夏

畿輔安瀾志凡例

一是志草創之始原名永利者顧念羣流順軌悉本
列聖規畫精川萬年底定我

皇上時巡津甸閱視河隄名曰安瀾所以昭

前烈重

睿譔也係於

畿輔者專志直隸之水也

一是志爲篇二十有三卷式建河

京師也又爲

聖祖仁皇帝賜名萬世永賴並爲全書之冠由永定河溯源
桑乾次之由桑乾以次而南唐河次之沙可

之滋河又次之滹沱又次之漳河又次之衛河
源河南與漳河近故又次之由桑乾以次而北洋
河次之榆河又次之白河又次之潮河又次之灤
河又次之由永定以次而西而南凉水次之易水
又次之府河又次之清河又次之大陸澤又次之

寧晉泊又次之滏河又次之由永定以次而北而
東大通河次之薊運河又次之陡河沙河此又一沙河
又次之聯絡貫注務俾全省順如不致稍羶

一是志每箇分門十一溯其源流則曰原委尋其舊
跡則曰故道旁及餘水則曰附載捍禦有方宣
有責則曰陸防工有險易汎有專屬則

通津梁則曰橋渡以利疏濬則曰修治以資工料
則曰經費以重管轄則曰官司以報功德則曰

廟以滋稼穡則曰水利如藉有不備則闕之
散見則畧之不拘一例

一是志詳次諸水一倣水經注以大水包小

人之水分出之水或見原委或見故道皆次第

經隨地詳註其有自爲一水不相貫注或支分亂

流無所專屬或源流短淺盈涸無時或古有今無

盡迷故迹及井渠汲引並非通流俱詳附載

是志諸水有古名有今名古水卽由今水而見故

不復另分古水又諸水隄防有隄有埝有堰有閘
有壩有涵洞名類不一要皆以爲隄防也故概曰
隄防又有決溢而後有修治決溢卽因修治而見
故概於修治又夫役者役於官司者也故官司之
後卽附夫役

一 是志一倣水經注非倣其文也但詳次諸

爲綱援引諸書注以爲目凡有考正辨訛謹別

案庶免混淆

是志援引諸書但取其足證水道至鄒邑沿河
蹟附會皆足以迷誤古水不容不考但究與成
考名勝志輿地記有別如夸詳博未免喧

書或古今並載或舍古取今惟簡明爲貴煩複是
刪以清眉目

是志無論古書今志沿襲舊訛皆爲辨正蓋名稱
一混水道便迷以致移陳就西彼此互易不敢忽
也

一是志所輯皆據現在古今水道遷徙城郭建置原
不盡同執古以疑今據今以疑古皆非通論說有
異同書有譌舛不可不辨有疑則闕

一是志所載諸書及奏稿碑記繁冗不能全登惟有
刪節原文不敢增改隻字稍蹈志書庸妄之習卽
諸志原引古書皆爲考正一據原書不敢以譌舛
譌也

一是志自經始以迄削藁歷十有餘年凡水道

不特案圖詳考甚至履地沿尋凡涉臆說繁瑣
所不取

一是志所載各河修治輯至嘉慶十二年蓋以
工程分別緩急自此而定其未奉核准及歲修纖
細之工槩不具書億萬斯年平成永廓率由舊章
後有增修無難續志

臣王履泰謹識

畿輔安瀾志篇目

永定河十卷

桑乾河二卷

唐河二卷

沙河一卷

滋河一卷

滹沱河四卷

附子牙河

漳河三卷

壽寧安瀾志

衛河八卷

附南運河

洋河二卷

榆河一卷

白河四卷

附北運河

潮河一卷

灤河二卷

冰水二卷

易水二卷

府河一卷

清河二卷

大陸澤二卷

寧晉泊一卷

滏陽河一卷

大遘河一卷

薊運河二卷

陡河沙河一卷

以上共河二十四道分五十六卷

畿輔安瀾志

永定河卷一

原委

永定河卷二

故道

永定河卷三

故道

永定河卷四

隄防

永定河卷五

隄防

永定河卷六

隄防

永定河卷七

工汛

橋渡

永定河卷八

修治

永定河卷九

經費

官司

永定河卷十

祠廟

水利

畿輔安瀾志

泰泰集

永定河卷一

原委

永定河舊名盧溝河卽桑乾下流也亦曰渾河一作
南桑乾河非也水流無定衝決爲患康熙三十七年

賜名永定河

〔酈道元水經注〕縣水又東北流左會桑乾

涓水也

周煇北轅錄盧溝河亦謂黑水河

最濁

范成大石湖集盧溝河去燕山三十五里

宋敏求謂之盧菰河卽桑乾河也

孫國救燕都

遊覽志桑乾下流爲渾河渾河下流爲盧溝河以

其濁故呼渾河以其黑故呼盧溝河本一也通

鑑隋大業八年春正月四方兵皆集涿郡宜社於

南桑乾水上胡三省註薊城南桑乾卽今之盧溝

橋下之水

謹案隋書禮志大業七年征遼東煬帝遣詔將於薊城南桑乾河築社稷二壇

設方壘行宜社稷通鑑載去薊城二字而以南字屬下詎力與紀要遂云桑乾水亦謂之南桑乾水

實非有二桑乾水也

二統志永定河卽桑乾河古名濕水

又名清泉河

謹案水經注濕水自南出山謂之清泉河上承桑乾河東流與潞河合

亦名盧溝河俗曰渾河元時自宛平分流爲二後

舊渠堙塞其南出者永樂後改西南流經固安新

城雄縣至霸州嘉靖初徙於固安縣北十餘里

流入永清縣界經霸州東北境達信安入海萬曆

中又徙固安縣四十餘里尋徙城南泛溢

清之境後又徙固安之北

本朝順治十一年復改流縣西與清水合流西入新城
境至霸州城南溢爲巨浸康熙三十七年

特命撫臣于成龍等疏濬起良鄉之張客莊至東安之郎城
河重開一道遷流於東由固安永清之北引流直
出柳岔口三角淀達於西沽築長隄捍之

賜名永定河

謹案乾桑河渾河盧溝河因地異名原非可混諸

書不拘一稱遂若此水本無定名以致源流分合
往往滋惑辨見桑乾河篇

河自石景山南流逕順天府宛平縣

漢爲薊縣地

西三十

里出盧溝橋其東爲拱極城

劉侗帝京要略畧金閣寺遠望蒼黃一道南綴者

渾河也〔明史河渠志〕盧溝河穿西山入宛平縣

界〔周夢暘水部備考〕盧溝河在京城西四十里

石徑山之東地勢平而土脈疏洫激震蕩遷徙引

常 陳全之逢窗日錄京師朱雀水爲盧溝河

破夢閒譚議者謂畿輔咽喉宜設兵防守又須築
城以衛兵於是當橋之北規里許爲斗城故名拱
北 畿輔通志永定河在宛平縣西三十里二
統志石徑山在宛平縣西三十七里上爲金閣寺
亦名石景山拱極城在宛平縣西四十里盧溝橋
東明崇禎間築名曰拱北

本朝更名拱極城

又東南流逕長安城

縣因安縣二十里每歲總督防汛縣此

又東南流

逕求賢村又東南流逕良鄉縣東廣陽河鹽溝河之

水人為

至會上契丹事涿州北六十里至良鄉渡廣溝河

顧祖禹方輿紀要廣溝河在良鄉縣東三十里

自廣溝橋下分流經此又廣陽水在縣東源出房

山縣北三十里之公村經廣陽故城下南流與鹽

溝水合注於桑乾 曹學佺名勝志鹽溝河發源

畿輔安瀕志

自宛平縣龍門關下流經本縣陶村入桑乾河

蔣一葵長安客話鹽溝卽閭溝發源自宛平縣龍門口東南流與廣陽水合

又東南流逕涿州東

涿州志涿河在州東二十五里桑乾河下流

謹案涿州本非涿河所經自涿河南徙奪琉璃胡良挾活諸河而東南趨於玉帶河據一統志云永樂後改今考明史河渠志洪武十六年濬桑乾河

自固安至高家莊則不始永樂朝矣又元史本紀
仁宗延祐元年六月涿州范陽房山二縣渾河溢
壞民田四百九十餘頃則渾河之決涿州并不自
明始矣大抵元時旣廢金口河渾河之流經高麗
莊下入通州白河者漸已淤塞迨明初南出之
益盛故洪武中遂濬治之高家莊卽新城之
窪流爲高村河亦卽白溝河之支流也琉璃胡其
挾活諸河之水旣爲渾河所奪益徙而西南出自

康熙三十七年開永定新河以後渾河之西南衝
突者皆東北注清濁乃分路矣

又東南流逕固安縣北

新固安縣志永定河出盧溝橋下流入縣界順治
十一年始從公村溢流與清河會康熙三十七年
自涿州之老君堂另開河道逕逕而東由固安縣
北之十里鋪至永清引流入霸州柳岔口歸淀達

海

又東南流逕永清縣東北復改由東南之冰窖村出水

藥史太平寰宇記永清縣桑乾水在北十里東南流
東安縣志康熙三十七年大築隄堰疏濬而施自盧溝以下由固安之楊村埕頭經永清之郎家務抵霸州之牛眼至大城之辛張歸淀

謹案自康熙三十七年開河之始由狼城淀入東淀三十八年以狼城淀河漸次淤平上游壅塞明

年於縣北之郭家務別開新河長六十里又明年
河成以舊河南岸爲北隄更築南隄引流於舊下
口之南霸州牛眼村北出柳岔口歸淀此爲第
次改移之始畿輔通志一統志均未之詳東安縣
志又合二事爲一皆非也雍正四年引渾河別由
一道入海於郭家務開渠長七十里東注自柳岔
口以下導之北流又自武家莊開引河三十餘里
達於王慶坨河東北入長洵河歸三角淀而注之

三河頭與清河會此爲第二次改河東北出之道
由是以舊河爲故道水窖村在縣東南三十里南
岸王虎莊之東乾隆十六年河水改流於此出水
循南坦坡埝導入葉淀則第三次改移也

詳後
修治

又東流逕霸州東北

去州治
六十里

又東流逕文安縣東北

去縣治八
十五里

謹案霸州文安之界舊爲渾河所衝決自康熙三

十七年河由柳岔口

霸州志去口
即爲七十里

歸玉帶河會大

清河雍正四年改挑新河河身漸遠今復改流東北注其所經由僅在境上不遠近城矣惟中臺一帶二河爲金門閘下引河之水由此會歸蓋其流非正道也

又東流逕東安縣南境又改由縣西南之北大隄出水曰新下口

東安縣志縣治舊在常道城東耿就橋行市南經渾河衝決洪武三年移治於常道鄉張李店卽今

治也永定河間或西折則逆流至淘河復折而東
經葛漁城穆家口仍歸沙家淀下口東邑境內自
狼城至東沽港永定河身長二十里下口渾流所
佔則淘河葛漁城于家隄三村宛在水中田廬多
被其害一二年來亦日漸淤墊矣

謹案乾隆十九年伏秋汛盛漲東老隄一帶水勢
奮激全河濁泥悉輸送於下口之外縱竭力挑濬
而得勝口以下水道間段淤阻難期暢達擬於安

瀾城下挑築引河北埵附隄居民以惠家莊等十
餘村四面環隄瀝水無歸引河北趨勢必倒漾兼
地本斥鹵咸願讓地行水遂移北大隄爲水口曰
廢永清縣之水窖舊口此爲第四次改移下口也

詳後
修治

又東流逕通州武清縣

漢曰
雍奴

西南境又東流龍河之

水入焉

今入
鳳河

又東流逕沙淀又東流南截鳳河之尾

桑欽水經濕水又東至漁陽雍奴縣西入筍溝

武清縣志鳳河其形似鳳白

南苑中流出至三壘入縣境厝墩上村漸深廣迤城之
北而東經韓村洞林三間房南出四村店商村南
宮柳巷東州寺兒上艾甫莊麗家莊至東蕭家莊
入天津界歸淀龍河在縣西南三十里由東安至
穆家口入縣境原於六道口民隄涵洞入永定河
今隄南已淤涵洞亦廢竟由隄北方坑小河引入
鳳河矣沙家淀在縣南五十里

謹案永定河自東沽港起至石各莊卽入北埝小河
歷西州抵東州爲鳳河之下尾匯入於龐家莊
至蕭家莊出境入天津界河身屈曲約長二十餘
里鳳河舊由墩上村至二光歸淀因故道淤塞雍正
四年興修水利一路挑挖過雙口抵青沽港入
淀近年以來不特渾河由沙家淀至東蕭家莊南
歸鳳河而東武西北一帶瀝水亦自北大開減河
卽北埝小河至龐各莊東歸鳳河誠東武二縣最要河

道必須時爲疏挖寬深以資宣洩一統志元史河
渠志渾河本盧溝水從大興縣流至東安則武清
縣入灤州界此乃元時渾河故道明時渾河南注
奪琉璃河經流下達霸州其東流一道不復相通
土人遂以琉璃河爲渾河而以元時渾河爲鳳河
矣或以上接大興東南三里河下至張家灣者一
渾河舊渠觀此則今日所行猶是故道五百年來
不遠而復也

又東流逕靜海縣西北境

謹案鳳河自天津縣西北丁家莊接武清縣界東
南行通永定河由葉淀一帶分清競納至韓家
西歸於淀池之大清河長二十四里河面寬三丈
深二三尺不等方輿紀要靜海縣南百里有韓樹
河泊司今廢一統志楊柳青渡在靜海縣北四十
五里去天津四十餘里自此渡上韓家樹抵京師
較天津差近卽今鳳河入天津之處

又東流逕天津縣

漢曰泉州

城北會於西沽俗謂之西河

水經沽水篇又東南至雍奴縣西筍溝酈注濕水

入焉俗謂之合口也

方輿紀要三角淀卽古雍

奴水也水經注雍奴者數澤之名四面有水曰雍

承流曰奴其源曰范甕口王慶埜河掘河越深河

劉道口河魚兒里河皆聚於此東會于直沽港入

於海一名筍溝水 二統志西沽在天津縣北自

武清縣滙三角淀與白河會注於直沽形如丁字

故又名丁字沽其上流今總名淀河 天津縣志

丁字沽卽西沽也 畿輔通志 淀河在縣北五里

永定子牙清河之會流也自河頭至丁字沽入北
運河長四十里淀水浩淼至此始有涯岸故名河
頭

謹案沽河卽西沽浮橋下之河也西自楊家河出
三河頭至丁字沽會北運河從前永定子牙清河
三水會流今子牙自爲一河由天津縣北之紅橋

下會北運河而淀河則總會水定河仍歸于西沽
會北運河 〔又案〕水經注沽河又東南至雍奴縣
西入笥溝又東南至泉州縣與清河合東入于海
清河者派河尾也鮑邱水南過潞縣西又南至雍
奴縣北屈東入于海考鮑邱水今潮河桑乾白河
與之合流入清河清河今大清河泉州縣屬漁
郡故城在武清縣東南卽今天津縣地宋爲清州
甯口砦金明昌四年以其地置靖海縣元至元二

年併入會川縣立靖海鎮尋復舊清河直具西北
境乃道元云今無水似不可解而鮑邱水篇注洶
水又北逕雍奴縣東自庠池北入鮑邱河謂之
州曰陳壽魏志曹太祖從洶口鑿渠逕雍奴泉州
以通河海者也今無水則又指泉州渠而言當是
沽水篇注以泉州縣爲泉州渠而誤注也今桑乾
之水折入武清縣之西南又南接靜海之西北下
入天津合南北逕洶入直沽達海者卽道元所云

清淇漳洹沔易涑濡沽滹沱同歸于海故經曰派
尾河也歷數十水不及濕與鮑邱者前已言之從
省文耳求之河道大概古今亦無弗合也

又東北流會南北二運河爲三汊河又東入于海河
同入于海

二統志直沽在天津府城北南則衛河合南路之
水北則白河受北路之水西則丁字沽受三角淀
之水皆至城東北三汊口合流東注舊名小直沽

其東南十里曰大直沽地勢平衍每遇霖潦羣流
漲溢茫無涯涘故有大直沽之名又東南爲大沽
口衆水由此入海卽通典所謂三會海口也
輔通志三岔河在縣東北本名三叉口亦名三叉
沽海河南北運河之會流也自天津東北三叉口
迄大直沽口長一百二十里溪廣崖深奔流湍駛
潮汐迎之則逆行而上禹貢所謂逆河是也

謹案永定河自武清縣東歸入淀河流逕靜海西

北境穿葉淀以達於天津白河自北來衛河自南至桑乾自西入乃得西河之一名杜佑所謂三會海口指此三河而言蓋居然鼎足之勢矣自入大清河以下土地寬平不復有淤塞之慮所以治永定河全在爭下口之出水不復計海河之散漫也

附子牙河卽漳滏二河之下流也後爲漳沱所奪經靜海之子牙鎮名子牙河上流自河間府獻縣臧家橋下達河間縣東至大城縣南折而東北由

王家口入東淀至臺頭會大清河而不乾隆十年
興修水利工程以子牙濁流淤墊而北獨流坑將
成平陸出水之楊家河至河頭皆有阻梗實爲全
淀隱患於是自莊兒頭另闢新河又接築格隄一
道由獨流當城楊柳青自爲一河至天津城北五
里許會北運淀河北岸復築長隄九十里名格淀
大隄當城以下又改爲疊道自此清渾兩流卽臺
頭以下之淀水不復有子牙壅淤而永定河出鳳

口之水清流湧漾東獲湍駛之利

北運河卽白河與沽河會潮榆通惠諸水其流浸大復有西山諸泉水入之而以白河爲經流畢會于通州之南曰潞河爲漕艘抵通之要道永定河舊于大興縣東南流入通州高麗莊又東南流至州城南抵張家灣與白河合今山東安武清靜海天津之境出鳳口合大清河入淀河而東者自此會流三里許至天津城東北三汊口與南運河合

流由東門外海河至葛沽入海

渤海在天津縣界東南一百三十里重洋浩淼卽大海也通志云東際遼海西直沽卽今之大沽口河流入海處也海口兩岸一闕中橫土人謂之海門潮汐所至北抵北運之楊村南抵南運之程官屯西抵淀河之羊鳳港率二百餘里其水皆淡鹹潮抵海門而止無岔入者海船颶迅珍貨鱗集遠而閩浙近則登遼旬日可達控扼險要誠畿輔之

大形勝也講求海運則元明兩朝規畫備已

謹案南運子牙淀河自靜海而下三河各遠不及數里至天津而又與北運合流每伏秋諸河水發河淀皆盈惟賴運河之北隄子牙之新隄間格不混稍有疎防則汪洋一片永定一河介乎兩運之間無南北利徙之理全恃淀河輔翼行之使專而不分則運道不致橫穿故志永定者必兼及二運焉又海河萬派會流清渾並注每至伏秋水勢浩

大若有下瀉不及之狀有以海河漸淤歸咎于永定之濁流者不知永定泥沙乾隆四十二年

高宗純皇帝命濬閘河

閘河爲鳳河之源

鳳河之流益暢足以刷永

定之濁出鳳之水大半清澈此共見者間嘗周覽海河兩岸水落鰐槽之後灘邊常淤皆帶赤色與南運衝漳之淤無異然而運水至海河以吸川之勢鼓盪衝激中淤斷無停積之理明河臣潘季馴所謂溜急則刷河而行是也夫永定無淤沙而南

運又不能獨淤海河何自而梗噎歟第以縱南七十餘河之水合流爭赴惟藉一河以爲傳送經行既久不無蓄積理固然歟是不可以不詳審而熟計之也

畿輔安瀾志

臣王履泰恭纂

永定河卷二

故道

永定河故道支流在大興宛平通州界者爲古高粱河一名皂河

永經注濕水又東南高粱之水注焉水出薊城西
北平地泉 太平寰宇紀高粱河在薊縣東四里

南流合桑乾水桑乾水西北自昌平縣界東南流
經府西又東流經南又東南與高粱河合 金史
本紀章宗承安二年命勿毀高粱河隄從民灌漑
明史地理志大興縣有高粱河在西北 長安
客話高粱河發源西山匯流爲西湖東爲小渠由
此入大興稱玉河水急而清 方輿紀要高粱河
金人亦謂之皂河今大通河卽高粱河下流也
二統志高粱河在宛平縣西舊志高粱河在西直

門外半里自昌平州沙澗東南流逕高粱店又東

南流入都城積水潭

謹案方輿紀要海子舊名積水潭

水急而清

魚沉水底鱗鬣皆見綠柳紺宇映爽交迎遼時耶律沙與宋兵戰于高粱河卽此金時亦謂之皂河上有高粱橋今爲玉河上流卽玉泉山水所經別曰高粱者存古名也

謹案水經注濕水南至馬陘山謂之落馬河濕水自南山謂之清泉河亦謂之于水非也濕水又

東南逕夏鄉縣之北界歷梁山南高粱水出焉據
此是先有清泉河後有高粱河且濕水卽謂之清
泉河也又引魏氏土地記清泉河上承桑乾東流
與潞河合據此似別有一清泉以承桑乾也又云
濕水東入漁陽所在枝分故俗諺云高粱無上源
發濕水篇注清泉無下尾蓋以高粱微涓淺薄緣
水出平地足通津遐藉清流方成川壘清泉至路所在枝分
更爲微津散漫難尋故也鮑沽水篇注引劉靖碑

其過表云高粱河水者出自并州黃河之別源今
據舊志及長安客話似高粱河與清泉河無別而
長安客話謂發源西山匯流爲西湖又與水經注
云水出薊城西北平地泉者異又春川夢餘錄金
口在京西通盧溝河清河卽清泉河也方輿紀要
金口河在府西三十五里東麻谷卽盧溝河東岸
金人於此分引盧溝河一支東流穿西山而出以
通漕運下視都城高十四丈餘金末恐暴漲爲患

塞之又清河府北二十里源出昌平州一畝泉一
云源出玉泉山分流北出會于沙河青溪漫橋壩
山在都城西三十里清河玉泉之東西溯其前
金山拱其後帝京景物畧壩山去阜城門二十餘
里山後一畝泉今失去珂雪齋集過高粱橋楊柳
夾道帶水清流洞見沙石據此則清泉河卽玉泉
諸水而與高粱道者也畿輔通志清泉河古渾河
正流也似桑乾入于地隨處起伏或爲清泉或爲

高粱因地而異名耳或疑水經注旣以濕水南出
山卽謂之清泉河又何上承桑乾之有且謂之渾
河何得又有清泉之一名皆非也至或謂元時渾
河至西麻峪分爲二支故其流漸弱至明時益斷
續不常正統中嘗浚三里河以入之河在大興縣
東南亦曰渾河舊渠自宛平縣東流入境又東至
張家灣入白河此水似卽宛平縣志之清水河城
西百十里逕大臺村入渾河

此本名勝志

蓋自西而東

南出也于事勢爲合然旣別其名曰清水河則非
清泉而春明夢餘錄謂清河卽清泉河方輿紀要
清河府北二十里與宛平縣志之清水河去城西
百十里者更懸絕矣

又曰車箱渠

方輿紀要在府西北曹魏嘉平二年劉靖督河北
諸軍事登梁山觀水道源流乃立遏于水導高粱
河造戾陵遏開車箱渠依北岸立水門景元二年

又遣樊良更制水門水流乘車箱渠自薊而北逕
昌平東盡漁陽潞縣晉元康五年靖子宏復修治
之水經注高粱水首受濕水于戾陵堰水北有梁
山山有燕刺王旦陵故以名堰後廢後魏正光二
年裴延儁剝幽州案戾陵諸堰廣袤三十里表求
修復營造

謹案車箱渠引高粱河之水以成者魏書地形志
燕郡薊有戾陵坡卽車箱渠也明大學士楊榮固

安隄記云盧溝至石徑山南遷徙靡常劉靖築塹
以防之後人師其功謂之劉師堰酈注所謂梁山
豈卽石徑山之支麓乎李氏詩譜以爲梁山界上
之山非也水經濕水篇濕水過廣陽薊縣北酈注
濕水又東逕廣陽縣故城北又東北逕薊縣故城
南魏土地記曰薊城南七里有清泉河而不逕其
北蓋經誤證矣是經與注南北異說也注又云濕
水又東逕燕王陵南陵有伏道西北出薊州城中

通城西北大陵而是二其址盤固峭自高壯不知
何王陵而鮑邱水篇注梁山燕刺王且之陵故以
戾陵名堰是燕王陵卽戾陵而不知何王者又一
陵也後人或以漢燕刺王爲燕太子丹宋史宋興
傳名之曰燕丹陵方輿紀要盧溝河出盧溝橋下
東南流爲看丹口分爲二或誤爲燕丹口元史作
東麻谷去府四十里然則戾陵堰燕丹陵燕丹口
其實一也第戾陵當在盧溝橋上而紀要以看丹

口爲在橋下似別有一看丹口又焉知看丹非燕
丹之誤且據元史作東麻谷則麻谷爲河流出峽
處其不在盧溝橋下明矣皆不可不辨

又有洗馬溝太湖西湖

名勝志洗馬溝在府西南四十五里相傳光武北
巡洗馬於此故名太湖在府治西四十里南流入
洗馬溝與玉淵潭燕家泊諸水匯而爲西湖明
統志太湖在府西南四十五里廣袤十數畝旁有

泉湧出經冬不凍水流爲洗馬溝玉淵潭元郡人
丁氏故池柳隄環抱景氣蕭爽 詩字白巖集玉
泉山泉出如沸滿爲池清可鑑毛髮此西湖之源
也 長安客話西湖去玉泉山僅里許卽玉泉龍
泉所潛此地最宜受諸泉之委泄爲巨浸土人名
大泊河 方輿紀要西湖在府西玉泉山下玉泉
之水出石罅間潛而爲池廣三丈許池東跨小橋
經橋下東流匯爲西湖周十餘里荷蒲菱茨沙禽

水鳥稱為佳勝

謹案水經注濕水又東與洗馬溝水合水上承薊

水

即今柳林河

四注太湖湖有二源水俱出縣西北平

地導泉流結西湖則是洗馬溝太湖西湖皆舊爲
濕水所匯不可畧也今渚河不出府城東其水始
流爲玉河合于大通河故此篇惟記本水其他會
入之泉源與建置橋閘之類概不及焉

金閘金口河旋塞元人兩開之復罷

金史河渠志大定十年議決盧溝以通京師漕運
上忻然命計之已而罷之十一年十二月省臣奏
復開之自金口疏導至京城北入壕而東至通州
之北入潞水及渠成以地勢高峻水性渾濁峻則
奔流漩洄嚙岸善崩濁則泥淖淤塞積滓成淺不
能勝舟其後上謂宰臣曰分盧溝爲漕渠竟未見
功若果能行南路諸貨皆至京師而價賤矣平育
政事駙馬元忠曰請求識河道者按視其地竟不

能行而罷二十七年三月宰臣以孟家山金口牐
下視都城高一百四十餘尺止以射糧軍守之恐
不足恃倘遇暴漲人或爲奸其害非細若固塞之
則所灌稻田俱爲陸地種植禾麥亦非曠土不然
則更立重牐仍於岸上置埽官廨署及埽兵之室
可以無虞也上是其言遣使塞之 蘇天爵元名
臣事畧至元二年都水少監郭公言金時自燕京
之西麻峪村分引盧溝一支東流穿西山而出是

謂金口其水自金口以東燕京以北溉田若干頃
兵興以來典守者懼有所失因以大石塞之今若
按視故迹使水得通流上可以致西山之利下可
以廣畿輔之漕又言當於金口西預開減水口西
南還大河令其深廣以防漲水突入之患上納其
議 朱彝尊曰下舊聞金口河至正二年正月中
書叅議字羅帖木兒都水傅佐建言起自通州南
高麗莊直至西山石峽鐵板開水古金口一百二

十餘里創開新河一道深一丈廣二十丈放西山
金口水東流至高麗莊合御河接引海運至大都
城內輸納是時脫脫爲中書右丞相以其言奏而
行之廷臣多言其不可而左丞許有壬言尤力脫
脫排羣議而不納務於必行有壬因條陳其利害
畧曰大德二年渾河發水爲民害大都路都水監
將金口下閉閘板五年間渾河水勢浩大郭太史
恐衝沒田薛二村南北二城又將金口已上河身

用砂石雜土煮行堵閉至順元年因行都水監郭
道壽言金口因水過京城至通州其利無窮工部
官并河道提舉司大都路及閩屬官員耆老等相
視議擬水由二城中間窒礙又盧溝河自橋至合
流處自來未嘗有漁舟上下此乃不可行船之明
驗也且通州去京城四十里盧溝止二十里此時
若可行船當時何不于盧溝立馬頭百事近便却
于四十里外通州爲之又西山水勢高峻亡金時

在都城之北流入郊野縱有衝決爲害亦輕今則
在都城西南與昔不同此水性本湍急若加以夏
秋霖潦漲溢則不敢必其無慮宗廟社稷之所在
豈容僥倖于萬一若一時成功亦不能保其永無
衝決之患且亡金時此河未必通行今所有河道
遺跡安知非作而復輟之地乎又地形高下不同
若不作閘必致走水淺澁若作閘以節之則泥沙
渾濁必致淤塞每人每月專人挑洗蓋無窮盡之

時也且郭太史初作通惠河時何不用此水而遠
取白浮之水引入都城以供開墾之用蓋白浮之
水澄清而此水渾濁不可用也此議方興傳聞于
外萬口一辭以爲不可若以爲成大功者不謀于
衆人言不足聽則是商鞅王安石之徒當今不宜
有此議旣上丞相終不從遂以正月興工至四月
畢工起閘放金口水流湍勢急沙泥壅塞船不可
行而開挑之際毀民廬舍墳塋夫丁死傷甚衆又

費用不貲卒以無功繼而御史糾劾建言者李羅
帖木兒傳佐俱伏誅

謹案金口河卽今東西金溝金元來此河雖開而
終未成渾河水濁寧可出于僥倖且自來紀載以
爲渾河至看丹口分爲二方輿紀要引元史爲東
麻峪考元史河渠志盧溝河至都城四十里東麻
峪分爲二而不言其方向明史明史稿兩河渠志
刪此三字吳道南集吳訥集河防志方輿紀要今

水經舊叢諸書皆云至看丹口分爲二河防志明
指爲在盧溝橋下紀要明史地理志又因之今河
隄二工河有東西麻峪村宜在盧溝橋下矣第金
口河似水出金山口得名一統志金山在驍山之
北則此河口定在盧溝橋上觀元史郭守敬傳及
名臣事畧俱云燕京之西麻峪村而金史河渠志
又云孟家山金口牐下視都城詳其形勢斷不在
盧溝橋下分水且山谷不變而村或屢移亦未可

據今之村定昔之地也竊意麻峪村有二在金口

山爲西麻峪此金人導水之處在盧溝橋下者爲

東麻峪此元人引渾河會白榆二河爲通惠河者

也

明統志清河源自昌平縣西南一畝泉經燕丹村東南合榆河

則是上下相去

七八十里豈可并而爲一而紀要前旣引元史証

看丹口爲東麻峪而于金口河復云在順天府西

三十餘里東麻峪村卽盧溝河東岸是金口河與

看丹口又無別也又明實錄成化七年戶部尚書

楊鼎工部侍郎喬毅請開通惠河奏云今其水從
皇城金水河流出難尋故道其白浮一畝泉三里
河草橋金口諸水皆不可引導又云元人開此河
曾用金口之水其勢洶湧衝沒民舍船不能行卒
爲廢河是此河久不與通惠相流通可知今東麻
峪村惟永定河經由其地更不復有他水口開引
東向古今水道之一變遷也

又一支自宛平縣東流逕大興縣東南三里河水生

焉

二統志渾河舊自宛平縣東流逕大興縣南至東安武清入白河卽桑乾故道也三里河在大興縣

東南元時名文明河

謹案輟耕錄元京城南第三門名文明

接通惠

河爲糧儲運道置鐵閘明時堙廢成化中楊茂言

京城南舊有三里河直通張家灣煙墩橋以西濬

之可通漕運戶部尚書楊鼎等云此河舊無河源

正統中因修城垣作壩蓄水以恐雨溢故于正陽

橋東南開通壕口以洩其水始有三里河之名自
壕口三里至八里莊始接渾河舊渠岸多廬舍深
處止二三丈濶僅丈許難以行舟事乃止嘉靖初
杜堦復請修之亦不從今故道口成平陸 傅澤
洪行水金鑑三里河出都城北過都城東南十里
至煙墩港入渾河

謹案明憲宗實錄命戶部尙書楊鼎工部侍郎喬
毅查勘通惠河故道故鼎等有此奏此成化七年

事然云接運河舊口則東流一支時已堙涸矣桂
萼請開三里河事在嘉靖六年

又東南流逕通州西高麗莊

方輿紀要高麗莊在通州西十三里盧溝河所經

又東南流逕州南十五里之張家灣與白榆二河合

是爲潞河

此卽水新注高粱河東流與潞河合之故迄今無水

河防志渾河出盧溝橋下東南至看丹口分爲二

其一東流出通州高麗莊入白河

謹案見前

明史河

渠志宣德七年侍郎王佐言通州至河西務河道
淺狹張家灣西舊有渾河請疏濬帝以役重止之

方輿紀要通州渾河在州西南自盧溝分流經
州南十五里謂之張家灣以元時萬戶張瑄督海
運至此而名 燕錄白河至州東折而迤西處曰
張家灣蓋盧溝河與白河會流處也 行水金鑑

白榆河二河之水合流名曰潞河 二統志和合
驛在通州東南三十五里舊名合和驛以白榆渾

三河合流而名明永樂初置萬歷間移置張家灣
改今名

謹案酈道元以沽河爲西路鮑邱水爲東路高粱
之水注之明代渾河舊流適與古合鮑邱水上承
大榆河故行水金鑑一統志皆以榆水易之

又有凉水河出

南苑下流入鳳河

二統志凉水河在宛平縣南由水頭莊泉發源東

南流入

南苑逕馬駒橋又東逕通州南曰南新河

謹案凉水河由

南苑出半里橋下逕楊申店出馬駒橋引流至高各莊
迤南自通州岸上村逕白水莊爲新河東南流逕
德勝屯馬房下與鳳河合入武清縣界之臺頭村
長四十餘里雍正四年開

鳳河源出

南苑逕大興縣東南卽元渾河故道也東流逕廢灤縣西北爲灤河一名新莊河又東流逕東安縣東北鳳窩村曰鳳河又東流逕武清縣西北又東流逕天津縣北注永定河

孫承澤春明夢餘錄新河在灤縣西一名灤河自盧溝水分流至縣界析而爲三其一逕東入白河其一爲新莊河南流入武清縣界其一爲黃漚河東至馬家莊之飛放泊 明史地理志順天府東

安縣治內有鳳河卽桑乾分入三角淀 甌輔通
志鳳河堠上村河身深廣以下埝淤斷續一遇伏
秋水潦散漫無歸雍正四年怡賢親王奉

命查修水利欲加疏濬而來源漸細不足以爲恒流有凉水

河可南引至堠上村入鳳河故道次年河成宛平
潮縣武清東安一帶積潦盡消桐村牛鎮三間房
等處開渠引水營田 舊潮縣志潮河水遠潮縣
城故名在縣西二十五里經水南村曰水南河至

新河店曰新河、至蒼頭村曰蒼頭河、至黃漚村曰黃漚河、隨地立名、皆此水也、黃漚河東注馬家莊之飛放泊、灤水店在縣北三十里、往來孔道也、

東安縣志、東安昔稱澤國、今境內惟渾河一道、南岸間有淹沒之虞、下口不無水佔之處、民常以此爲患、然所患者不在渾河、而在灤水、蓋東安西北受宛大固永之水、從前東南多條淀泊、數道分流、引歸三角淀、不致爲害、今自狼城至穆家口俱爲

泃河所佔南面無受水之區惟賴鳳河出口一遇
雷雨過多瀝水驟至宣洩不及東南各村一帶沮
洳

謹案鳳河自大興縣東南雍正四年導凉水河之
水入之又東逕東安武清二縣下入天津縣西北
丁家莊南行導水曰葉店分溝競納至韓家樹西
歸於淀池之大清河河面寬二丈深二三尺不等
元史河渠志盧溝河至都城四十里東麻峪分爲

二明代言渾河者皆云至看丹口分爲二惟孫承
澤春明夢餘錄有新河至灤縣分析爲三派之說
通州志亦云桑乾河至看丹口分爲三派元史所
記二派鳳河其一也明人以盧溝橋下者爲一支
東入潞者爲一支雖同分二派而有別蓋其時鳳
河水已斷流故也永定河舊由勝芳臺頭等處入
淀雍正三年老河頭改歸王慶坨抵三角淀後復
淤平乾隆十六年自秉教村卽永東添開引河分

流渾濁由安光入葉淀二十年復自北岸第六工
改移河流專由葛漁城入沙家淀散漫歸於鳳河
出鳳口歸入大清河而鳳河久無來源向由隄上
村二光歸三角淀雍正四年挑引凉水河至喉上
村入鳳河改由韓村桐村等處今通流之水卽永
定河下口所出之水也向屬永清縣雍正八年以
請正疆域事始改屬天津府其隄岸一切工程仍
歸永定河道屬三角淀通判管轄蓋鳳河水係

渾河舊渠下爲今永定河出水要津雙口上下雖
苦淺狹歷年濬治深廣居然巨流而葉家莊以上
沿北埝之外而下者復有北岸求賢草壩之減水
河以及龍河啞吧河皆入焉沿南埝之內而下者
則有內減河至青光入鳳河之下口每至伏秋衆
流奔趨咸資宣洩乃永定河之尾閭積淤之去路
講求全局形勢舍鳳河別無出水之處誠要區也
龍河起大興縣之田家營南流入東安縣境又東南

流入武清縣境羅鍋判又東南流逕解口村仍入東
安縣境又東南流逕營口村至定子務復入武清縣
境逕石各莊循北大隄減河歸鳳河

謹案縣志謂龍河無來源起自大興縣之田家營

入東安縣境由簸箕營屯民潘村邢家營北舉大

五龍劉各莊小祖各莊南易于家常鋪王家常鋪

永豐王家鋪皮家務張家務丈房河

東安縣志城東南十三里

七字隄

東安縣志城東南十三里

至武清縣之羅窩判長七

餘里又自武清縣屬解口村入東安縣屬響口村
長十三里至定子務穆家口復入武清縣境長十
餘里向於六道口歸三角淀雍正六年築三角淀
北隄建設涵洞以消濕水嗣因六道口民隄衝淤
又加築北埝遂由石各莊循北埝減河歸鳳河
啞吧河起固安縣之華各莊東流入東安縣境至張
家野雞莊入永清縣境又自永清縣橫亭入東安縣
境至濟南屯會肅清舊由葛漁城東歸淀今至慈家

鋪南循北埵大隄減河歸鳳河

乾溝自東安縣小韓村至濟南屯歸啞吧河

謹案龍河啞吧河乾溝皆分減漚水之區也今龍河尚有河槽亦多淤淺啞吧乾溝半已淤成平陸河溝多被佔種此三河者東邑境內疏洩所資之要道也舊縣志盧溝水至東安過耿就橋一分東至界河入土樓東南一分西至界河入左奕西南今自盧溝橋下流從固安縣逕永清縣北東注自

孫家堡一分派永清之南一分派東安之西詎隆
慶末年分派于東安者又分爲二一由韓村至管
家屯迤東離縣二十里卽停不行一從韓村東南
下厯衡亭左夾朱村馬子莊至挑河頭至萬厯二
年積雨水溢人畜漂沒知縣洪一謨乃請築隄隄
成賴以無患六年馬子莊隄口決淹駱駝灣知縣
韓景閔塞之九年舊口復決知縣張汝蘊修之自
是屢修屢決二十三年河徙于霸州泥沙舊址盡

成沃壤名勝志土樓在東安縣六里宋時爲土兒
衛臺高一丈二尺盤一百六十步築臺在縣西八
里宋爲左突衛其西有倉如土樓制元時點軍於
此此卽啞吧乾溝二河之水道蓋永定河之故迹
矣

平截河新河在永清縣東北北岸六工汛乾隆二年
開十二年塞

北太隄減河起固安縣之求賢村草場入永清縣屬

之野雞張家莊迤五道口由鳳凰莊入東安縣境至
惠家鋪會啞吧河至穆家口入武清界至龐各莊東
歸鳳河

謹案北埝減河有二一自三工求賢草壩起循北
隄下至東蕭家莊入鳳河長一百五十餘里一自
五工盧家莊草壩起由重隄以內下至范疇口入
永定下口正流長七十餘里又有遙隄小河一道
上接永安縣辛莊入武清縣西南境由黃花店太

子務高東營至南宮村入鳳河長三十餘里卽龍河之下尾

南埝減河一自五工曹家務草壩起循隄外水溝入南埝內減水河長五十餘里一自六工郭家務草壩起由永定舊河出牛眼循南埝下至青光入鳳河下

口長一百十餘里

卽縣志所謂埝坡埝減河也

東安縣志南北埝減河就築隄方坑挑濬成河以洩永定河草壩分減之水渾河所過輒淤土多淤

沙必需每年量爲疏濬以免壅滯之患也

謹案今永定河由北大隄放水兩埵減河不復疏濬以上諸河既開後亦有旋廢者然一時禦災捍患之計經營籌度之方固不可得而泯也且今鳳河爲下口出水之要區修濬在所宜急而龍河陞吧諸河引水分支以消京東漑水形迹尚存涓流未絕緬想前規必加之意焉

坦坡埵減河起永清縣之郭家務草壩迤霸州李家

鋪明志屬辛店里八東安境至水大王村明志屬仍入霸州

境歷靜海武清天津三縣界至老河頭入大清河大清

河別見

飛放泊在廢灤縣境

方輿紀要飛放泊在府順天東南地名北城店廣三

十餘頃又西有黃埃莊飛放泊柳林在縣西灤縣元

至元十八年如灤州又如柳林是後皆以柳林為

游畋之地建行宮于此

謹案飛放泊柳林海子皆在灤縣飛放泊有三一
馬家莊者在縣城北八里一南辛莊者在縣南二
十五里一栲栳堡者在縣西南二十五里今多淤
廢

柳林海子在廢灤縣西今淤

元史本紀世祖至元二十四年正月以修築柳林
河隄南軍三千浚河西務漕渠文宗至順元年調
諸徭卒築柳林海子隄堰三年七月調軍士修柳

林海子橋道

延芳淀在廢潮縣西

方輿紀要在縣西廣數百畝中多菱芡雁鷺之屬
遶時每春季則弋獵于此

謹案一統志延芳淀在通州西南舊志今南海子
側有延芳村或謂延芳淀卽南海子之舊名非也
南海子在大興縣正南元混一方輿勝覽所謂下
馬飛放泊是也此延芳淀在舊潮縣西今潮縣入

通州故云在通州西南豈可遂以南海子當之遼
時遊獵多以延芳爲名北平古今記統和四年十
月命皇族廕帳駐東京延芳淀是東京亦有延芳
淀也又多名飛放泊如所謂下馬飛放泊及馬家
莊南辛莊栲栳莊諸飛放泊是也又名海子所謂
南海子柳林海子起也名稱雖同而地各有在遼
史本紀幸延芳淀屢矣每以春月來遊要爲弋獵
之所燕山叢錄潮縣西有延芳淀大數頃中饒荷

芟水鳥羣集其中遼時每季春必來此弋獵打鼓
驚天鵝飛起縱海東青擒之得一頭鵝左右皆呼
萬歲柳林洵子在鄆縣西延芳淀亦在西似海子
卽延芳淀矣以上諸水皆入鳳河今多湮廢

東畔河起東安縣城外南壇逕田家莊穿鹽吧河至
甄家莊歸儼子淀今淤

西畔河起東安縣北大尹經北馬子莊穿鹽吧河至
孫家坨北今淤

東安縣志二河明主簿向瑛挑以洩渾河暴漲

東沽港在東安縣南五十八里自縣西渾河分流而東入武清縣三角淀

徐孟泊在東沽港東南亦名上下接口

東安縣志

國初圈爲網戶地後漸淤平雍正四年怡賢親王奏請歸復原業卽今續地糧是也

琅川淀在東安縣南七十里卽白溝河諸水下流東

入磨汭港今淤

磨汭港在東沽港東南狼城之汭河也今淤

響河在穆家口北北逕解口宋時東川分派今淤

謹案永定河自盧溝橋而下水聲忽大奔流二百餘里高可四五尺沙石爭趨林木響應明于癸正詩捲土成濤飛赤雪賦其實也

穆家口河在葛漁城東北上通響口解口下逕八里橋入六道口今淤

長淀泊在葛漁城東今淤

簾子淀在甄家莊東北今淤

蓮花泊在東安縣南三十里東南流逕葛漁城入武清縣界今淤

桃河泊在東安縣南五十里渾河水所匯也流入三角淀今淤

謹案漢志桃水首受涑水東至安次入河在今東安縣界水經注於下流但言聖水今更爲渾河所

奪桃河泊當猶以桃水得名有作挑河頭者非

三角淀

見清河東
西淀篇

毋瀦泊在武清縣東南廣二十餘里地勢窪下爲瀝
水瀝歸之所

沙家淀在武清縣南五十里爲宛大東武四邑瀝水
之瀝

謹案永定河于乾隆四年自鄭家樓北折逕葛漁
城入淀水勢盈溢五年接築北堤四十餘里沿鳳

河邊園之始無北軌

葉淀在雙口西交天津武清兩縣境西北接沙家淀
滙永定河入鳳河

謹案葉淀沙家淀本相連而葉淀尤廣濶周一百
三十餘里現在永定尾閘全入此淀勾蓄泥沙清
澈而後入鳳河

清沽港在武清縣南八十里西接安沽港東接丁字
沽由直沽入于海

劉家河在武清縣南七十里

叉光在武清縣南九十里

黃花套在武清縣南九十里